

**ԱԴՐԲԵՋԱՆ (ԱԴՐԲԵՋԱՆԱԿԱՆ
ՀԱՆՐԱՊԵՏՈՒԹՅՈՒՆ). ԱՇԽԱՐՀԱԳՐԱԿԱՆ
ԴԻՐՔԸ, ԲՆԱԿԱՆ ՊԱՅՄԱՆՆԵՐԸ ԵՎ
ՌԵՍՈՒՐՍՆԵՐԸ**

Տարածքը՝ 74,6 հազ. կմ²

Բնակչությունը՝ 9,3 մլն մարդ

Մայրաքաղաքը՝ Բաքու

Պետական կարգը՝ նախագահական հանրապետություն

Ադրբեջանի ներկայիս տարածքը բնակեցված է եղել հին քարե դարից սկսած: Այդ են վկայում այստեղից պեղված նյութերը, որոնք էլ ապացուցում են այդ վայրերի բնիկների զարգացած մշակույթի մասին: Հույն պատմիչ Ստրաբոնի վկայությամբ, անտիկ շրջանում այստեղ բնակվում էին աղվանական շուրջ երեք տասնյակ ցեղեր, որոնք Ք. ա. մոտ 1-ին դարում ստեղծեցին միացյալ թագավորություն (Աղվանք), որը դաշնակցում էր Մեծ Հայքի հետ: Միջնադարում այս տարածքը հաջորդաբար նվաճել են արաբները, սելջուկ թուրքերը, թաթար-մոնղոլները, թուրքմենական օղուզ ցեղերը: Ադրբեջանի տարածքում ներկայումս բնակվող ժողովրդի ձևավորումն ընթացել է տեղաբնիկ, ինչպես նաև եկվոր թուրքալեզու և իրանալեզու տարրերի համալսման պայմաններում, դրանց կրոնամշակութային ընդհանրությունների հիման վրա:


Սահմանադրության համաձայն Ադրբեջանը նախագահական հանրապետություն է: Նախագահն օժտված է մեծ լիազորություններով: Նախարարների կաբինետը գլխավորում է վարչապետը: Օրենսդիր բարձրագույն մարմինը խորհրդարանն է՝ Միլի Մեջլիսը:

Ադրբեջանը լեռնային երկիր է: Նրա հյուսիսում Մեծ Կովկասի լեռներն են, հարավում՝ Փոքր Կովկասի: Ծայր հարավ արևելքում ձգվում են Թալիշի լեռները: Լեռների միջև ընկած են Կուր-Արաքսյան և Լենքորանի դաշտավայրերը: Նախիջևանի հյուսիսում Զանգեզուրի լեռներն են, որոնց ստորոտից մինչև Արաքս տարածվում է Նախիջևանի ընդարձակ հարթավայրը, որը Արարատյան դաշտի շարունակությունն է:

Լեռնային շրջաններում հաճախակի են երկրաշարժերը: Կասպից ծովի մակարդակի բարձրացման պատճառով աստիճանաբար ջրածածկ է լինում Կուր-Արաքսյան դաշտավայրի ցածրադիր հատվածը:

Ադրբեջանն ամբողջությամբ գտնվում է մերձարևադարձային գոտու հյուսիսային մասում: Աչքի է ընկնում արևոտ, չոր կլիմայով: Դա բնորոշ է հատկապես Կուր-Արաքսյան դաշտավայրին: Այստեղ տիրապետում են կիսաանապատներն ու անապատները, որոնք ոռոգման շնորհիվ օգտագործվում են գյուղատնտեսության արժեքավոր բույսերի մշակման համար:

Լենքորանի դաշտավայրի և Թալիշի նախալեռների կլիման խոնավ մերձարևադարձային է. մթնոլորտային տեղումների տարեկան քանակն այստեղ հասնում է մինչև 1700 մմ-ի: Այդ պայմանները նպաստավոր են թեյի և ցիտրուսների մշակության համար:



Մինգեչաուրի ջրամբարի առափնյա հատված

Երկրի նախալեռների ու լեռների մարգագետինները ծառայում են որպես ամառային արոտավայրեր, իսկ ցածրադիր չոր տափաստաններն ու կիսաանապատները՝ որպես ձմեռային արոտավայրեր:

Ադրբեջանի խոշոր գետերն են Կուրը և Արաքսը: Նրանց ջրերն օգտագործվում են ոռոգման և էլեկտրաէներգիա ստանալու համար: Կուրը Եվլախ բնակավայրից մինչև Կասպից ծովը նավարկելի է փոքր տարողության նավերի համար: Գետի վրա կառուցվել է Մինգեչաուրի խոշոր ջրամբարը:

Վիթխարի է Կասպից ծովի տնտեսական նշանակությունը Ադրբեջանի համար: Կասպիական ջրերը պարունակում են միլիոնավոր տոննա տարբեր աղեր, հատակում կան նավթի և բնական գազի պաշարներ: Վերջինս լուրջ տարածայնությունների պատճառ է դարձել ավազանի երկրների միջև՝ ծովի հատակի բաժանման հարցում, քանզի ի տարբերություն Համաշխարհային օվկիանոսի, լճերի ջրային տարածքի և հատակի ընդերքի հարստությունների օգտագործումը կարգավորող միջազգայնորեն ընդունված օրինական կանոններ դեռ մշակված չեն:

Կասպից ծովը հարուստ է արժեքավոր ձկնատեսակներով (սաղմոն, թառափ): Այդ լճին բաժին է ընկնում թառափի համաշխարհային որսի ավելի քան 80 %-ը:

Նրա տաք և ավազոտ լողափերը մեծ թվով հանգստացողների են ձգում:

Կասպից ծովը նաև էժան տրանսպորտային հաղորդակցության միջավայր է և միավորում է ավազանի 5 պետություններին:

Ադրբեջանի ընդերքը հարուստ է **օգտակար հանածոներով**, հատկապես նավթով և բնական գազով: Ցամաքից բացի (Ապշերոնյան թերակղզի), դրանց շատ հարուստ պաշարներ հայտնաբերված են նաև Կասպից ծովի հատակում: Զգալի են նաև երկաթի հանքաքարի (Դաշքեսան), ալյումինի հումքի՝ ալունիտի (Գյանջայի և Նախիջևանի մոտ), մոլիբդենի, քարաղի (Նախիջան) պաշարները:

Փոքր Կովկասի հյուսիսարևելյան ստորոտներում հայտնաբերվել է բուժիչ մածուցիկ նավթի հանքավայր, որը հանդիպում է միայն Ադրբեջանում և որի հիման վրա գործում է Նավթական առողջավայրը:

Շատ են հանքային աղբյուրները:

Աղբբեջանի բնական ռեկրեացիոն բազմազան ռեսուրսները որոշակի հնարավորություն են ստեղծում հանգստի ու զբոսաշրջության զարգացման համար:

Բաքուն եղել է Հարավային Կովկասի հայերի հասարակական-քաղաքական և մշակութային կենտրոններից մեկը: Հայ ճարտարապետներն ու շինարարները գործուն մասնակցություն են ունեցել Բաքվի կառուցապատմանը: Նրանց կառուցած բնակելի տները, հասարակական ու մշակութային շինությունները կանգուն են մինչև օրս և զարդարում են Աղբբեջանի մայրաքաղաքը:

Վերջին տասնամյակներում կտրուկ նվազել է նաև ազգային մյուս փոքրամասնությունների թիվը: Այդ ամենի արդյունքում Աղբբեջանը դարձել է միատարր երկիր: Ներկայումս բնակչության 91 %-ը աղբբեջանցիներ են, 2-ական % լեզգիներ, ռուսներ:

Աղբբեջաներենը պատկանում է այթայան լեզվաընտանիքի թյուրքական լեզվախմբին: Տիրապետող կրոնը մահմեդականությունն է: Բնակչության 93 %-ը դավանում է այդ կրոնը:

Բնակչության բնական աճը բարձր է՝ 1,2 %:

Երկրում բնակչությունը խիստ անհավասարաչափ է բաշխված: Խտաբնակ են Ապշերոնյան թերակղզին, Կուր-Արաքսյան և Լենքորանի դաշտավայրերը:

Ուրբանիզացման մակարդակով Աղբբեջանը միջին տեղ է գրավում աշխարհում (52 %): Այդ ցուցանիշով Աղբբեջանը զիջում է Հայաստանին: Խոշոր քաղաքներն են Բաքուն (մոտ 2 մլն բնակիչ), Գյանջան, Սումգայիթը, Մինգեչաուրը:

Արդյունաբերությունը շարունակում է մնալ Աղբբեջանի տնտեսության առաջատար ճյուղը: Արդյունաբերության առաջատար ճյուղը նավթի հանույթն ու վերամշակումն է: Աղբբեջանը նավթի ու գազի հանույթի հնագույն շրջաններից մեկն է աշխարհում: 1913թ. Բաքուն տալիս էր Ռուսաստանի արդյունահանվող նավթի 7/10-ը: Ներկայումս նավթի տարեկան հանույթը կազմում է 10-12 մլն տ: Նավթի մի մասը մշակվում է Բաքվում, մյուս մասը արտահանվում է Բաքու-Թբիլիսի-Ջեյհան նավթամուղով: Բնական գազի տարեկան հանույթը (5 մլրդ մ³) չի բավարարում երկրի պահանջը, որի պատճառով գրեթե նույնքան էլ ներմուծվում է:



Նավթի հանույթը Ապշերոնի ծանծաղուտում

Աղբբեջանի նավթագազաքիմիական համալիրի վրա է հենվում էներգետիկ տնտեսությունը: Էլեկտրաէներգիայի մոտ 90 %-ը տալիս են ՋԷԿ-երը:

Մետաղաձուլությունը զարգացած է Սումգայիթում, որտեղ արտադրում են խողովակներ՝ նավթարդյունաբերության համար: Այստեղ գործում է նաև ալյումինի ձուլման գործարան:

Մեքենաշինության ձեռնարկությունները հիմնականում արտադրում են նավթարդյունաբերությանն անհրաժեշտ սարքավորումներ (Բաքվում, Սումգայիթում): Գյանջայում կազմակերպվում է ավտոմոբիլների արտադրություն:

Աղբբեջանի քիմիական արդյունաբերությունը մտնում է նավթագա-
զաքիմիական համալիրի մեջ: Առաջին հերթին դրանք նավթ և գազ
վերամշակող գործարաններ են, որոնք կենտրոնացած են Բաքվի շուրջ:
Ճյուղը թողարկում է սինթետիկ կաուչուկ, ավտոդողեր, պլաստմասսա,
պարարտանյութեր, թունաքիմիկատներ, դեղորայք, ներկեր, լաքեր:

Բաքվից բացի խոշոր կենտրոններ են Մումգայիթը, Գյանջան, Մինգե-
չաուրը:

Աղբբեջանի թեթև արդյունաբերության ճյուղերից զարգացած են հատ-
կապես մետաքսագործությունն ու գորգագործությունը:


Մանդի արդյունաբերության ձեռնարկություններն արտադրում են սրգերի,
բանջարեղենի և ձկան պահածոներ, ձկնկիթ, գինիներ, որոնց մեծ մասն
արտահանվում է:

Վրաստանի և Հայաստանի համեմատությամբ Աղբբեջանն ունի **գյու-
ղատնտեսության** զարգացման ավելի նպաստավոր պայմաններ. ավելի
ընդարձակ են հարթավայրային տարածքները, բարենպաստ են բնակլի-
մայական, հատկապես՝ ջերմային պայմանները, Կուր և Արաքս գետերի
ոռոգչական զգալի հնարավորությունները: Այդ ամենը թույլ են տալիս
զբաղվելու մերձարևադարձային բուսաբուծությամբ:

Աղբբեջանի համար բնորոշ է նաև ամառային և ձմեռային ընդարձակ
արոտավայրերի առկայությունը, ինչը հնարավորություն է տալիս կեն-
դանիներին էժան կերով ապահովել ամբողջ տարին:

Գյուղատնտեսության գլխավոր ճյուղը բուսաբուծությունն է, որտեղ
առաջատար դեր ունի բամբակագործությունը: Դրանով հիմնականում
զբաղվում են Կուր-Արաքսյան դաշտավայրում և Նախիջևանում:

Խոնավ մերձարևադարձային կլիմայի
շնորհիվ Լենքորանը մասնագիտացել է
թեյի, բրնձի և ցիտրուսների մշակությամբ:
Ծխախոտի մշակության հիմնական
շրջանները Մեծ և Փոքր Կովկասի ստորին
լեռնալանջերն են: Մեծ Կովկասի նա-
խալեռնային շրջաններում լայն տարա-
ծում ունի խաղողագործությունը և
պտղաբուծությունը (նուռ, նուշ, թուզ,
սերկևիլ, ձիթապտուղ):



Թեյի մշակությունը Լենքորանում

Հացահատիկային գլխավոր մշակա-
բույսը աշնանացան ցորենն է: Նրա
ցանքատարածությունները մեծ մասամբ
Կուր-Արաքսյան դաշտավայրում են:

Աղբբեջանի **անասնապահությունը** զարգացած է ընդարձակ արոտա-
վայրերի շնորհիվ: Սակայն այն կրում է էքստենսիվ բնույթ: Անաս-
նապահության գլխավոր ճյուղը ոչխարաբուծությունն է, որը տարածված է
ամենուրեք: Խոշոր եղջերավոր անասուններ բուծում են գլխավորապես
զարգացած դաշտավայրության շրջաններում:

Մի շարք շրջաններում տարածված է շերամապահությունը, որը հունք է
մատակարարում մետաքսագործությանը:

Ապշերոնյան թերակղզում կան ձկնաբուծարաններ, որտեղ գլխավորապես
բուծում են թառափ՝ սև ձկնկիթ ստանալու համար:

Աղբբեջանում առկա են ժամանակակից **տրանսպորտի** բոլոր տեսակները: Գլխավորը երկաթուղային տրանսպորտն է, որը միմյանց է կապում երկրի բոլոր տնտեսական խոշոր կենտրոնները և սպասարկում է արտաքին կապերը: Սակայն ՀՀ-ին և ԼՂՀ-ին շրջափակելու նպատակով աղբբեջանական երկաթուղու որոշ հատվածներ, այդ թվում նաև Նախիջևանի հետ կապող հատվածը, երկար ժամանակ է ինչ չի գործում:

Իր նշանակությամբ երկրորդը Կասպից ծովի ջրային տրանսպորտն է, որի աշխատանքում գլխավորը բեռների արտաքին փոխադրումներն են: Բարուն Կասպից ծովի խոշորագույն նավահանգիստն է: Բաքվի և Կասպից ծովի արևելյան ափին գտնվող թուրքմենական Թուրքմենբաշի նավահանգիստի միջև գործում է նաև լաստանավային հաղորդակցություն:

Աղբբեջանական ծովային 4 նավ էլ լողում է համաշխարհային օվկիանոսում: Դրանցից 2-ը գրանցված է Վրաստանի, 2-ը՝ Մալթայի նավահանգիստներում:

Երկրում գնալով ավելի է զարգանում մանևրունակ ավտոմոբիլային տրանսպորտը: Նրա դերը մեծ է ներքին բեռնափոխադրումներում և հատկապես լեռնային շրջաններով կատարվող ուղևորա- և բեռնափոխադրումներում:

Մեծ զարգացում է ստացել խողովակաշարային տրանսպորտը:

Հետխորհրդային շրջանում զգալի փոփոխություններ են կրել Աղբբեջանի **արտաքին տնտեսական կապերը**: Խիստ նվազել են կապերը նախկին խորհրդային հանրապետությունների հետ: Դրան հակառակ աճել են կապերը Թուրքիայի, Իրանի, Գերմանիայի, Իտալիայի և Իսրայելի հետ:

Արտահանման գերակշիռ մասը (90 %) բաժին է ընկնում նավթին և նավթամթերքին: Արտահանում է նաև բամբակի մանրաթել, պարենամթերք, մեքենասարքավորում:

Ներմուծման մեջ գերակշռում են ժամանակակից տեխնոլոգիաներ, մեքենաները, սննդամթերքը և հումքը:

Առևտրական գլխավոր գործընկերներն են Թուրքիան, Ռուսաստանը, Իրանը, Մեծ Բրիտանիան, Գերմանիան:

Աղբբեջանն անդամակցում և սերտ կապեր է պահպանում միջազգային մի շարք կազմակերպությունների հետ (Մեծծովյան տնտեսական համագործակցություն, Իսլամական համաժողով, Կասպից ծովի ավազանի երկրների և այլն):